

潛夫論卷九終

潛夫論卷十

叙錄第三十六

夫生於當世貴能成大功太上有立德其次有立言闡昔而不
 才先器能當官未嘗服斯役無所効其勛中心時有感援筆紀
 數文字以綴愚情財令不忽忘芻蕘雖微陋先聖亦咨詢草創
 叙先賢二十六篇以繼前訓左丘明五經先聖遺業莫大教訓
 博學多識疑則思問智明所成德義所建夫子好學誨人不倦
 故叙讚學第一凡士之學貴本賤末大人不華君子務寔禮雖
 媒紹必載於費時俗趨末懼毀行術故叙務本第二人皆智德
 苦為利昏行汙求榮戴盆望天為仁不富為富不仁將脩德行
 必慎其原故叙過利第三世不識論以士卒化弗問志行官爵
 是紀不義富貴仲尼所恥傷俗陵遲遂遠聖述故叙論榮第四

卷十

潛夫論

一

惟賢所苦察妬所患皆嫉過已以爲深怨或因類譽或空造端
痛君不察而信讒言故叙賢難第五原明所起述暗所生距諫
所敗禍亂所成當塗之人成欲專君壅蔽賢士以擅生權故叙
明暗第六上覽先王所以致太平考績黜陟著在五經罰賞之
寔不以虛名明豫德音焉問揚庭故叙考績第七人君選士咸
求賢能君司貢薦競進下材憎是培克何官能治買藥得馬難
以爲醫故叙思賢第八原本天人參連相因致和平機述在於
君奉法選賢國自我身姦門竊位將誰督察故叙本政第九覽
觀古今爰暨書傳君皆欲治臣恒樂亂忠佞溷淆各以類進常
苦不明而信姦論故叙潛款第十夫位以德興德貴忠立社稷
所賴安危是繫非夫讜直真亮仁慈惠和事君如天視民如子
則莫保爵位而全名故叙忠貴第十一先王理財禁民爲非

洪範憂民詩刺未查浮僞者眾本農必衰節以制度如何弗議
故叙浮僞第十二積微傷行懷安敗名明莫恣歡而無悛容足
以復諫聞善不從微安召辱終必有凶故叙慎微第十三明主
思良勞精賢知百僚阿黨不覈真僞苟崇虛舉以相誑曜居官
任職則無功效故叙寔貢第十四聖人養賢以及萬民先王之
制皆足代耕憎爵損祿必程以傾先王吏俸乃可致不故叙班
祿第十五君憂臣勞古今通義上思致平下宜竭惠貞良信士
咸痛數救姦宄繁興但以赦故乃叙述赦第十六先王御世兼
秉威德賞有建侯罰有刑渥賞重嚴禁臣乃敬職將脩太平必
媚此法故叙三式第十七民爲國基穀爲民命日力不暇穀何
由盛公卿尹師卒勞百姓輕奪民時誠可憤諍故叙愛日第十
八觀夷所治鬪訟居多原禍所起詐欺所爲將絕其未必塞其

原民無欺論世乃平安故叙斷訟第十九五帝三王復劣有情
雖欲起皇當先致平心世後仁仲尼之經遭衰姦收得不用刑
故叙衰制第二十聖王憂勤選練將帥授以鈇鉞假以權貴誠
多蔽暗不識變勢賞罰不明安得不敗故叙勸將第二十一蠻
夷猾夏古今所患堯舜憂民阜陶術叛宣王中興南仲征邊今
民日死如何弗蕃故叙救邊第二十二凡民之情與君殊戾不
能遠慮督取一制苟扶私議以爲國計宜尋其言以詰所謂故
叙邊議第二十三邊旣遠問太守擅權臺閣不察信其姦言今
懷郡縣毆民內遷今又丘荒慮必生心故叙寔邊第二十四天
生神物聖人則之著龜卜筮以定嫌疑俗工淺源莫盡其才自
大非賢何足信哉故叙卜列第二十五易有史巫詩有工祝聖
人先成民後致力兆黎勸樂神乃授福孔子不祈以明在德故

叙巫列第二十六五行八卦陰陽所生稟氣薄厚以著其形天
題厥象人寔奉成弗脩其行福祿不臻故叙相列第二十七詩
稱吉夢書傳亦多觀察行事占驗不虛福從善來禍由德痛吉
凶之應與行相須故叙夢列第二十八論難橫發令道不通後
進疑惑不知所從自昔庚子而有貴云予豈好辯將以明真故
叙釋難第二十九朋友之際義存六紀攝以威儀講習王道善
其久要貴賤不改今民遷久莫之能奉故叙交際第三十君有
美稱臣有令名二人同心所願乃成寶權神術勾示下情治勢
一定終莫能傾故叙明忠第三十一一天情通氣感相和善惡
相徵異端變化聖人運之若御舟車作民精神莫能含嘉故叙
本訓第三十二明王統治莫大身化道德爲本仁義爲佐思心
順政責民務廣四海治焉何有消長故叙德化第三十三上觀

晉夫論

大古運行之運谷之詩書考之前訓氣終度盡後代復運雖未
必正可依傳問故叙五德志第三十四君子多識前言往行類
族變物古有斯姓博見同缺字故叙志氏姓第三十五

潛夫論卷十終



長崎大学附属図書館経済学部分館 武藤文庫所蔵

